

A2<sup>r</sup>

## Vorrede.

WEr dieſe Schrift mit  
 frucht leſen wil/ der ſehe vnd ſuche  
 vleißig in der heiligen Schrift/  
 dieſe Orter/ welche auff dem Rande  
 gezeichnet find/ Da wird er ſehen/  
 das der mehrer teil aus der heiligen  
 Schrift gezogen iſt/ alfo wird er  
 der ſachen gewis werden/ Deñ man  
 auch nur allein der heiligē Schrift/  
 welche iſt Gottes Wort/ gleuben ſol/ vnd was aus der heili-  
 gen Schrift gezogen wird. Denn Menſchen können liegen/  
 aber Gott kan nicht liegen. Das aber dieſe Schrift aus Got-  
 tes Wort gezogen ſey/ beweifen die angezeigten örter/ vnd die  
 Lere/ ſo in Gottes Wort ſtehen. Vnd ſind das die furnemb-  
 ſten ſtücke/ darauff der Leſer ſehen ſol. Erſtlich/ das hie jeder-  
 man erinnert wird ſeiner Sünden. Denn ob gleich nicht alle  
 Sünden hie angezogen werden/ ſo werden doch etliche ange-  
 zogen/ vnd wird damit vrfach gegeben/ das der Menſch die-  
 ſelbigen Sünde erkennen ſol/ vnd andere mehr/ welcher jn die  
 heilige Schrift erinnert/ vnd er leider teglich begehet/ dieweil  
 er in Sünden empfangen vnd geboren iſt. Zum andern/ das  
 niemand in Sünden fortfare/ oder ſicher ſey/ oder bleibe/ So  
 wird aus Gottes warem Wort/ jederman fur die Augen ge-  
 malet das jüngſte Gericht/ welches gewis in einer kurtz gehal-  
 ten wird/ vnd das Verdamnis/ welches vber alle/ die in Sün-  
 dē ohne Glauben bleiben/ gehen wird. Zum dritten/ wird auch  
 angezeigt/ vnd mit Sprüchen der heiligen Schrift bewieſen/  
 das die Gleubigen (welche/ ob ſie gleich Sünder gewefen/  
 doch ſind bekert worden) herrlich werden gezieret/ in ewige  
 freude vnd herrlichkeit/ aus gnaden ohne verdienſt/ genommen  
 A ij werden/

A2<sup>v</sup>

## Vorrede.

werden/ auff das niemand in Sünden ficher fortfare/ oder verzweiffele/ sondern jederman sich zur Buße bekere vnd lebe. Zum vierden/ wird auch jederman vermanet/ gelocket vnd gereitzet/ das er nicht als ein Welt Menſch mit der Welt in vergenglichen/ jrdiſchen vnd fleiſchlichen dingen ſich verderben/ Sondern als ein Chriſte mit Gottes Wort/ vnd Glauben/ im Gebet vnd Gottfeligem leben/ ſich vben ſol/ teglichen vnterlas. Vnd ſol auch nicht anders verſtanden werden/ wird auch nicht anders gemeint/ iſt auch der inhalt in der heiligen Schrifft nicht anders/ deñ das der Menſch lerne erkennen ſeine Sünde/ vnd den groffen jamer/ not vnd gefehrlichkeit/ welche komen vber die vnbusfertigen Sünder/ am jüngſten Tage vnd in Ewigkeit. Vñ widerumb auch/ die vnausſprechliche Herrlichkeit vñ Freude der Chriſten/ das iſt derer/ die Sünder ſind/ in Sünden empfangen/ geboren/ vnd ſolches auch bewieſen haben/ mit Worten/ wercken/ hertz/ mut/ ſinn/ willen vnd gedancken (denn ſie gantz vnrein ſind/ von der Fuſſolen an/ bis auff die Scheittel) haben aber aus Gottes Wort gelernt/ dem ſie auch gleuben/ das ſie durch das Blut des Sons Gottes/ Jheſu Chriſti/ des Heilandes der Welt/ welcher iſt Gott vnd Menſch/ erlöſet ſind/ bleiben in einfalt des Göttlichen Worts/ welches Jnhalt furnemlich verfaſſet iſt/ in dem Artickeln des Glaubens/ Nemlich/ das vns Gott der Vater ſelbs geſchaffen hat/ darumb iſt vnd bleibt er vnſer Vater/ vnd wir ſeine liebe Kinder vnd Erben/ dieweil Jheſus Chriſtus vns erlöſet hat/ von allen Sünden/ das wir nicht ins Gericht komen/ vnd Gott der heilige Geiſt vns ſelbs heiliget/ darzu er braucht/ Gottes wares/ krefftiges/ allmechtiges/ vñ feligmachendes Wort/ die hochwirdigen Sacrament/ der heiligen Tauffe/ vnd des waren Leibs vnd Bluts vnſers HErrn vnd Heilands Jheſu Chriſti/ ſampt der heiligen Abſolution. Darumb

A3<sup>r</sup>

## Vorrede.

umb niemand in Sunden verharren sol/ sondern jederman in der zeit die Gott gibt/ sonderlich jtzt in der letzten zeit/ sich durch Gottes gnade lassen bekeren/ mit feinem heiligen Geift/ Wort/ Sacrament vnd Abfolution/ in beständigem Glauben durch vnfern HErrn vnd Heiland Jhesum Chrift/ so wird er als denn nicht sicher sein/ wird auch nicht verzweifeln können/ denn Gottes Gnade ist gröffer/ denn aller Menschen Sünde/ ja das Blut Jhesu Chrifti/ reichlich vergossen/ hat aller Menschen Sunde getilget/ so haben wir auch Jhesum Chriftum in der heiligen Tauff allefampt/ jung vnd alt/ Reich vnd Arm/ wer wir auch sind/ angezogen/ die wir sind getaufft worden. Vnd die wir auff wachsen/ werden teglich durch Gottes wares Wort/ welchs nicht geendert wird/ sondern ewig bleibet/ geftercket/ gegründet vnd bestetiget im Glauben/ vnd haben die zufagung/ das wir nicht komen ins Gericht/ sondern sind durch den Tod zum Leben hindurch gedrungen. Dazu vns gegeben wird der heilige Geift/ vn̄ der Leib vnd Blut Jhesu Chrifti/ sampt der heiligen Abfolution/ wie angezeigt. Ja Jhesus Chriftus sampt seinem Vater vnd heiligem Geift/ ist vnd bleibet bey vns/ vollendet die Sach/ denn was er selbs angefangen hat/ das wil er auch selbs warhafftig volbringen/ zu Ehren seiner Maiestat/ das heilig werde sein Name. Darumb wir nicht sehen sollen auff vnser vnreinigkeit/ dieweil vns Jhesus Chriftus selbs gereinigt hat/ auch nicht auff vnser schwachheit/ dieweil Gott mit vns ist/ Sondern auff vnfern lieben/ fromen/ getrewen/ warhafftigen Gott/ welcher ist alles in allem. Der vns auch seine Gnade vnd krafft gibt/ die frucht des Glaubens zubeweisen/ gegen vnserm Nechsten/ vnd lassen vnser Liecht leuchten/ auff das allein Gott der HERRE gepreiset werde. Welchem sey Ehre vnd Gewalt in Ewigkeit/ AMEN.

A      ij      Es ist

# A3<sup>v</sup>

---

Vorrede.

Es ift fur die Einfeltigen geftellet/ Wer klug ift/ der  
mag fur fich klug fein/ vnd dis den Einfeltigen laffen/ denn  
Weltliche Weisheit hie nichts gilt.

Georgius Silberfchlag.

[Holzschnitt]

DEn